

傷寒論綱目
十

傷寒論序例

西晉高平王叔和撰

錢塘莫善昌雲從訂

北宋攝聊成無已註

西陵潘雲龍潤生校

陰陽大論云。春氣溫和。夏氣暑熱。秋氣清涼。冬氣冷冽。此則四時正氣之序也。

春夏爲陽。春溫夏熱者。陽之動始於溫。盛於暑。故也。秋冬爲陰。秋涼而冬寒者。以陰之動始於清。盛於寒。故也。

張隱菴曰。相傳傷寒論。乃西晉叔和編次者。叔和以辨

脈爲卷首次。平脈次序例次。痙濕喝次。六經次。霍亂次。

雖曰序例

實係引經

目撰之論

傷寒論

序例

一



易病勞復次可汗下與不可汗下此叔和之編次也以
自撰之論僭列于前反將六經序次于後于理甚背今
改編太陽篇爲卷首以序例附于本經之末少正叔和
僭妄之罪以慰後人不平之鳴
盧子由曰西晉王叔和次後漢張仲景先生傷寒論序
例彙入平辨脉後稱第三卷宋聊攝無已成氏順文註
釋使後學習矣而不察也又相傳傷寒論乃叔和編次
後人不免有遺議殊不知造論規矩諸經各有成法非
文有簡略理有闕疑叔和何能叅訂于其間獨平辨兩

脉叔和增纂岐伯華佗扁鵲等書爲脉經其間參以已
意混入數則不無杜撰余不揣遵經合論曲爲詮釋不
敢爲前人掩短長也

冬時嚴寒萬類深藏君子固密則不傷于寒觸犯之者乃
名傷寒耳

冬三月純陰用事陽乃伏藏水冰地坼寒氣嚴凝當是
之時善攝生者出處固密去寒就溫則不傷于寒其涉
寒冷觸犯霜雪爲病者謂之傷寒也

其傷于四時之氣皆能爲病

春風夏暑秋濕冬寒謂之四時之氣。

其傷寒爲毒者以其最成殺厲之氣也。

熱爲陽陽主生寒爲陰陰主殺陰寒爲病最爲肅殺毒厲之氣。

中而卽病者名曰傷寒不卽病者寒毒藏于肌膚至春變爲溫病至夏變爲暑病暑病者熱極重于溫也。

內經云先夏至日爲溫病後夏至日爲暑病溫暑之病本傷于寒而得之故太醫均謂之傷寒也。

是以辛苦之人春夏多溫熱病皆由冬時觸寒所致非時



行之氣也。凡時行者。春時應暖而復大寒。夏時應熱而反大涼。秋時應涼而反大熱。冬時應寒而反大溫。此非其時而有其氣。是以一歲之中。長幼之病多相似者。此則時行之氣也。

四時氣候不正爲病。謂之時行之氣。時氣所行爲病。非暴厲之氣。感受必同。是以一歲之中。長幼之病多相似也。

夫欲候知四時正氣爲病。及時行疫氣之法。皆當按斗曆占之。



四時正氣者。春風夏暑。秋濕冬寒是也。時行者。時行之氣是也。溫者冬時感寒。至春發者是也。疫者暴厲之氣是也。占前斗建。審其時候之寒溫。察其邪氣之輕重。而治之。故下文曰。

九月霜降節後宜漸寒。而冬大寒。至正月雨水節後宜解也。所以謂之雨水者。以冰雪解而爲雨水故也。至驚蟄二月節後氣漸和暖。向夏大熱。至秋便涼。冬寒春溫。夏熱秋涼。爲四時之正氣也。從霜降以後。至春分以前。凡有觸犯霜露。體中寒。卽病者。

謂之傷寒也。

九月十月寒氣尚微爲病則輕。十一月十二月寒冽甚。嚴爲病則重。正月二月寒漸將解爲病亦輕。此以冬時不調適有傷寒之人卽爲病也。此爲四時正氣中而卽病者也。

其冬有非節之暖者名曰冬溫。冬溫之毒與傷寒大異。冬溫復有先後更相重沓亦有輕重爲治不同。證如後章。此爲時行之氣。前云冬時應寒而反大溫是也。

從立春節後其中無暴大寒又不冰雪而有人壯熱爲病。



者。此屬春時陽氣發于冬時。伏寒變爲溫病。

此爲溫病也。內經云。冬傷于寒。春必病溫。

從春分以後。至秋分節前。天有暴寒者。皆爲時行寒疫也。
三月四月。或有暴寒。其時陽氣尚弱。爲寒所折。病熱猶輕。
五月六月。陽氣已盛。爲寒所折。病熱則重。七月八月。陽氣
已衰。爲寒所折。病熱亦微。其病與溫及暑病相似。但治有
殊耳。

此爲疫氣也。是數者以明前斗曆之法。占其隨時氣候。
發病寒熱輕重不同耳。

十五日得一氣于四時之中一時有六氣四六名爲二十四氣也。

節氣十二中氣十二共二十四內經云五日謂之候三候謂之氣六氣謂之時四時謂之歲。

然氣候亦有應至而不至或有未應至而至者或有至而太過者皆成病氣也。

疑漏或有至而不去此一句按金匱要略曰有未至而至有至而不至有至而不去有至而太過何故也師曰冬至之後甲子夜半少陽起少陽之時陽始生天得溫。



和。以未得甲子。天氣溫和。此爲未至而至也。以得甲子。而天未溫和。此爲至而不至也。以得甲子。天大寒不解。此爲至而不去也。以得甲子。而天溫如盛夏五六月時。此爲至而太過也。內經云。至而和則平。至而甚則病。至而反者病。至而不至者病。未至而至者病。卽此觀之。脫漏明矣。

但天地動靜。陰陽鼓擊者。各正一氣耳。內經云。陰陽者。天地之道。清陽爲天動。而不息。濁陰爲地靜。而不移。天地陰陽之氣。鼓擊而生。春夏秋冬寒熱。



溫涼各正一氣也。

是以彼春之暖爲夏之暑。彼秋之忿爲冬之怒。

春暖爲夏暑。從生而至長也。秋忿爲冬怒。從肅而至殺也。○莫雲從日分。則爲四時生長收藏。合則一寒一暑。是故冬至之後。一陽爻升。一陰爻降也。夏至之後。一陽氣下一陰氣上也。

十月六爻皆陰。坤卦爲用。陰極陽來。陽生于子。冬至之後。一陽爻升。一陰爻降于卦。爲復。言陽氣得復也。四月六爻皆陽。乾卦爲用。陽極陰來。陰生于午。夏至之後。一

陽氣下一陰氣上于卦爲姤言陰得遇陽也。內經云冬至四十五日陽氣微上陰氣微下。夏至四十五日陰氣微上陽氣微下。

斯則冬夏二至陰陽合也。春秋二分陰陽離也。

陽生于子。陰生于午。是陰陽相接。故曰合。陽退于酉。陰退于卯。是陰陽俱背。故曰離。內經云氣至謂之至。氣分之謂分。至則氣同。分則氣異。

陰陽交易人變病焉。

天地陰陽之氣既交錯而不正。人所以變病。內經云陰

陽相錯而變由生也。

此君子春夏養陽秋冬養陰順天地之剛柔也。

內經曰養生者必順于時春夏養陽以涼以寒秋冬養陰以溫以熱所以然者從其根故也。

王子芳曰春夏陽氣發越于外秋冬陰氣發越在外是故君子春夏養陽秋冬養陰以從其根。

小人觸冒必因暴疹須知毒烈之氣留在何經而發何病詳而取之。

不能順四時調養觸冒寒溫者必成暴病醫者當在意

審詳而治之。

是以春傷于風。夏必飧泄。夏傷于暑。秋必病瘧。秋傷于濕。冬必咳嗽。冬傷于寒。春必病溫。此必然之道。可不審明之。當春之時。風氣大行。春傷于風。風氣通于肝。肝以春適王。風雖入之。不能即發。至夏肝衰。然後始動。風淫末疾。則當發于四肢。夏以陽氣外盛。風不能外發。故攻內而為飧泄。飧泄者。下利水穀不化而色黃。當秋之時。濕氣大行。秋傷于濕。濕則于于肺。肺以秋適王。濕雖入之。不能即發。至冬肺衰。然後濕始動也。雨淫腹疾。則當發為

發肝孫

濕應傷脾

上

此性甚是

矯強

以此論之
則冬无傷
寒夏无傷
暑之病矣

下利冬以陽氣內固濕氣不能下行故上逆而爲咳嗽
當夏之時暑氣大行夏傷于暑夏以陰爲主內暑雖入
之勢未能動及秋陰出而陽爲內主然後暑動傳陰而
爲痰癰痰者二日一發癰者一日一發當冬之時寒氣
大行冬傷于寒冬以陽爲主內寒雖入之勢未能動及
春陽出而陰爲內主然後寒動傳陽而爲溫病是感冒
四時正氣爲病必然之道
莫雲從曰經云陽受風氣陰受濕氣傷于風者上先受
之傷于濕者下先受之陽病者上行極而下是以春傷



經云因于暑汗煩喘
渴又曰暑汗不出者
秋成風瘧
蓋汗出而即發者為
暑病不發
者成瘧冬
傷于寒即
發者為傷
寒若邪氣
留連至春
為溫病
經云喉主
天氣故咳
嗽為陽病
而又在上

于風夏必殄泄陰病者下行極而上是以秋傷于濕冬
必咳嗽此陰陽上下之相乘也夏傷于暑暑汗不泄炎
氣伏藏秋時陰氣外出與熱相遇變為痰瘧冬傷于寒
邪不即發寒氣伏藏春時陽氣外出邪隨氣而化熱發
為溫病此陰陽出入之氣化也夫風為陽邪洞泄陰病
也濕為陰邪咳嗽陽病也暑為陽邪痰瘧陰瘧也寒為
陰邪溫病熱病也此感天之風雨寒暑而由吾身中之
陰陽變化故曰天有此六氣而人有此六氣人與天地
參也仲祖用素問九卷陰陽大論而撰論蓋深得此義